



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput VIII. Idem Cantuarien. (a) Archiepiscopo.

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

praestandi tacite, vel expresse; immo ex textus serie constat, Episcopum non solum votum emissee, verum & iter arripuisse, Placentiamque pervenisse, nullam expectata Pontificis licentia; nec Innocentius inde conqueritur, aut se consensisse tacite, vel expresse innuit. Quare verius credo, Episcopum absolute votum peregrinationis emissee, nullam habita relatione ad licentiam Pontificis tacitam, vel exprelam. Quare ea solutione omissa ex historia illius temporis vera interpretatio praesentis textus petenda est. Temporibus enim Innocentii III. dum de expeditione in Terram sanctam solerter agebatur, non solum laicos, verum & Episcopos invitari ad eam expeditionem, constat ex cap. non est, hoc sit. & variis Innocentii epistolis, refertque Spondanus post Baronium anno 1199. *Sequenti*; unde e tempore licitum erat votum in Hierosolymitanum subsidium facere & adimplere ab Episcopis, inconsulto R. Pontifice, uidelicet in cap. *scriptura*, hoc sit. Butrius n. 4. Abbas num. ult. Cardinalis, & alii relati à Thoma Sanchez lib. 4. *summe*, cap. 2. Unde licite, & valide juxta morem illius seculi potuit Episcopus Trecensis votum Hierosolym. emittere, tenebaturque illud adimplere, nisi à Pontifice justis ex causis, ut in

praesenti casu contigit, fuisse commutatum. Pro secunda difficultatis solutione varia adducuntur relati à Barbofa in praesenti, Balboa in cap. si vero, num. 73. *de jure iur.* Trullench 2. p. in Decal. lib. 2. c. 2. dub. 4. num. 12. Stunica de voto cap. 4. num. 104. distinguentes inter causam impulsivam, & finaliem; ita ut in praesenti specie causa admendi, videlicet Comitem Campania efficit impulsiva, & non finalis; & ita ea deficiente, adhuc perficit obligatio adimplendi votum. Sed faciliter responderi potest afferendo, in praesenti specie dupliciti ex causa Episcopum votum emissee. Prima, principiaque ob salutem animarum proprie: secunda, ut de libertate Ecclesie Trecensis ageret cum Comite Campanie. Unde licet per mortem ipsius Comitis hac secunda causa deficeret, primatum, principiaque, videlicet expeditio in Terram sanctam, adhuc vigebat. Unde necessario propter eam votum implendum erat, nisi à Pontifice extractionibus in praesenti adductis commutare: & ita apparet commutationem necessariam suffisse, recteque ex hoc textu Doctores deducere, Pontificem posse commutare votum, etiam Hierosolymatum, in jejunia, eleemosynas, & similia opera pia.

C A P U T VIII.

Idem Cantuarien. (a) Archiepiscopo.

Quid super his Sed. Apost. consulere decrevisti, quorum exequitio spectat ad officium pastorale, f. t. in Domino commendamus, sperantes, quod per responsonem nostram instructus, diligenterius ea exequaris. Quæsistisane de his, qui in succulsum Terræ sanctæ (b) signo crucis assumpto, propter infirmitatem, vel pauperitatem, vel aliam justam causam votum peregrinationis non possunt utiliter adimplere, quid tibi sit faciendum, cum per A. s. sine distinctione receperis in mandatis, ut eos, & qui signum crucis assumpsum abjecerunt, ad resurrectionem ipsius, & executionem voti per cens. eccl. ap. rem. compelleres, non obstante aliquam indulgentiam, si qua forte per surreptionem à prædec. nostro fuerat impetrata. Nos autem inquisitioni tuae respondemus, quod debiles, & inopes magis illuc in defectum, quam ad prolectum accedunt; cum isti pugnare non possint, & illi mendicare cogantur; nisi forte sint Nobiles, & Magnates, qui suis secum expensis bellatores adducunt; vel artifices, & agricultoræ, qui laboribus suis sibi possunt acquirere necessaria, & Terræ subsidia ministrare, quamvis non multi talium propter brevitatem possessionis, & paucitatem inhabitantium sint opportuni. Verum credimus distingendum inter illos, qui temporalem; & eos, qui perpetuam impedimenti causam creduntur habere: quod primis est indulgenda dilatio, secundis autem est redemptio injungenda; ac rerum facultate pensata, quas possent, aut quas facturi essent expensas, personarum præterea recompensato labore, in subsidium Terræ sanctæ transmittant, exequentes per alios, quod per se nequeunt adimplere. Rursus inter illos, qui pro defensione Terræ sanctæ votum peregrinationis emittunt, & eos quibus pro satisfactione suorum criminum iter peregrinationis injungitur, credimus distingendum: quod circa primos plus Terræ sanctæ succursus; & circa secundos plus labor itineris secundum intentionem voventis, vel penitentis debet attendi. Unde si quis hoc modo voventum est inutilis ad pugnandum, quamvis habilis ad eundum, melius est redimere votum, quam expensas consumere: quod & de penitente, qui propter debilitatem non potest iter injunctum peregrinationis implere, sanè valet intelligi; non autem de illo, qui quamvis sit impotens ad bellandum, potens tamen est ad eundum. Super his autem diligens discrecio est adhibenda, ne quid prece, vel pretio, amore, vel odio, sive occasione quacunque contra salutem animarum, vel utilitatem Terræ quomodolibet attentetur. Unde per viros religiosos, & providos dispen-

dispensationem hujusmodi volumus providere. De mulieribus autem hoc credimus obserendum, ut quae remanere noluerint, viros suos sequantur euntes. Cæteræ fortè nisi sint divites, quæ secum in suis expensis possint ducere bellatores, votum redimant, quod voverunt, aliis ad Terræ sanctæ subsidium singulis secundum proprias facultates diligenter inductis.

N O T A.

(a) **C**antuar.] Ita etiam legitur in tertia collectione, sub hoc tit. cap. 5. & in cap. quod super de majorit. & obed. cap. quod super de fide instrum. ubi extant alia partes hujus epistolæ, ut ibi notavi.

(b) **S**igno crucis.] Qui arma sumebant pro recuperanda Terra sancta, cruce insigniebantur, ut eo fidentius adversus crucis hostes dimicarent, & ad omnia pericula crucis, & Crucifixi amore promptiores essent: quare qui nomen dabant illi sacra militia, aut peregrinationem pro expeditione Terra sancta faciebant, vulgo crucem sumere, seu accipere dicebantur. Guillel. Tyrius lib. 1. de bello sacro, Petrus Diaconus lib. 1. chron. cap. 11. Otho Frising. lib. 7. cap. 2. Hi omnes è diversis nationibus, & linguis in unum corpus adunati, crucem in vestibus portantes, crucis Christi discipulos verbo, & opere fore predicabant, ac crucis virtute confisi, contra invincos crucis in Dominus dicimatum iter aggrediebantur. Idem lib. 1. de gestis Friderici, cap. 37. Cunctis, qui aderant, ex priore rumore excitatis, ad accipiendo crucem ultra occurrentibus, tres accipere eadem hora crucem Episcopi, Henricus Ratisbonensis, Otto Frisingensis, Regnibertus Passavensis, & Dux Noricorum Henricus, frater Regis, de ordineque Comitum, Nobilium, vivorum illustrium innumera- biles. Qui animū peregrinationis sacre suscipiendo habebant, in fronte, vel pectore signum crucis præferebant, qui autem in procinctu erant, inter capsulas retro ponebant. Robertus monachus lib. 2. histor. Hierosolym. Bertholdus in chron. ad annum 1006. Omnes quoque, qui se ad hoc iter devo- verant, signo crucis seipso in vestibus notare fecit; quod etiam signum in ipsa carne notatum apparuit. Neubrigen. lib. 3. hist. Anglie, cap. 22. notarunt Juretus ad epist. 173. Iovinus Carnot. Bosquetus ad Innocentium III. lib. 3. regestr. 15. epist. 197. Crux, que illa aliquando erat purpurea, à qua facrimiles cruce signati appellabantur, Carol. Sigen. lib. 9. de Reg. Ital. ibi: Signum ejus expeditionis fuit crux è purpureo panno confecta, quam primus è Pontificibus Urbanus salutaris in signum expiationis induit vestibus super dexteram scapulam affigendam. Unde qui profecti sunt in eam expeditionem, Crucifignati, & ipsa expeditio Crucifignata vocata est. Inde etiam concionatores, qui Reges & alios Princes ad hoc sanctum bellum incitabant, crucem prædicare dicebantur. Concilium Lateran. sub Innocentio III. in fine: quam crucis signationem pro recuperatione Terræ sanctæ primum coepit sub Urbano II. referunt Wilhelmus Tyrius lib. 1. cap. 14. & Bertholdus ad annum 1095. ibi: Omnes, qui se ad iter devo- verant, signo crucis in vestibus notari fecit in Concilio apud Claromontem. Notavit Cironius in cap. 1. de scriptu monach. in 5. compil. Ipse etiam Urbanus in eodem Concilio omnes Crucifignatos, qui crucem afflumperant, sub peculiari protectione Ecclesiæ Romane accepit. Willelmus Tyrius dicto lib. 1. cap. 15. ibi: Sub Ecclesiæ defensione. & BB. Petri,

& Pauli protectione, tanquam vere obedientia filios receperimus, & ab universis inquietationibus, tam in rebus, quam in personis statim omnem securos. Ordericus Vitalis post relatam Urbani orationem pro expeditione Terra sanctæ. Idem Urbanus II. eandem tuitionem confirmavit in cap. 2. Concilii Claromont, ibi: Item placuit, omnia bona corum, qui Hierosolymas pergant, semper, & ubique esse salva in pace, & treuga, quoniamque redierint. Fimavit etiam Concilium Lateran. sub Callisto II. anno 1122. cap. 2. ibi: Eis, qui Hierosolymam proficerunt, & ad Christianam gentem defendendam, & tyrannidem Infidelium debellandam efficaciter auxilium preberunt, suorum peccatorum remissionem concedimus, & domos, & familias, atque omnia bona eorum in B. Petri & Romana Ecclesiæ protectione, sicut à Domino nostro Papa Urbano statutum fuit, suscipimus. Quicunque ergo ad distractore, vel auferre, quamdui in via illa morantur, praesumpserint, excommunicationis ultione plectentur. Idem postea constituit Gregorius Pontifex, ut fert Guill. Neubrig. lib. 3. hist. Angl. cap. 2. ibi: Scilicet ut bona eorum, qui crucem accepterant, cum suis familiis, sub sancte Romane Ecclesiæ, nec non Archiepiscoporum, & Episcoporum atque aliorum Praetorium Ecclesiæ protectione consilante. Quare prætextu hujus tuitionis ecclesiasticæ, si quæ de rebus ad Crucifignatos pertinentibus questio moveretur, Episcoporum erat cognitionis, qui censuris invadore obstringebant, ut testatur Ivo Carnot. epist. 173. qui cum diu inde diligenter, non potuerunt in unam convenire sententiam, dicentes novam esse institutionem de tuitione ecclesiastica impendenda rebus militum Hierosolymam proficcentium, nec scire utrum hæc tuitio ad solas pertineat proprietates eorum, an etiam pertineat ad calamita eorum; largæque indulgentiae illis concessæ fuerunt, cap. excommunicamus, de hereticis. Unde D. Bernardus epist. 322. ita hortatur ad hoc bellum suscipiendum Clerum, & populum Spirensim: Habetis nunc fortis miles, habetis vir bellicosus ubi dimicet absque periculo, ubi vincere gloria, & mori turram si prudens mercatores, si conqueritor hujus facili, magnas quasdam tibi mundinas indicō; vide ne pereant. Sic scipe signum crucis, & omnium pariter, de quibus corde contrito confessionem feceris, indulgentiam obtinebis. Materia ipsa siemitur, parva constat; si de voto assumitur, humero valet sine dubio regnum Dei bene ergo fecerunt, qui celeste signaculum jam suscepserunt. Plura de ipsis Crucifignatis, & hac sancta expeditione congregaverunt Gretserus lib. 2. de cruce, cap. 58. & p. 2. lib. 2. cap. 10. & p. 13. de Crucifignatis, Beyerlinch. tom. 6. in Theatr. verbo Peregrinatio, Juretus ad epist. 173. Carnot. Baronius anno 1095. Mornacius in l. 4. C. de prec. Imper. offer. P. Marcha. in not. ad Concilium Claromont. pag. 418. & in concord. sacerd. lib. 4. cap. 15. & lib. 5. cap. 21. & in locum horum Crucifignatorum successerunt officiales, & ministri s. Officii, qui illorum privilegiis fruuntur. Bobadilla tom. 1. polit. lib. 2. cap. 18. num. 35. Carleval. de judic. tom. 1. tit. 1. diffut. 2. num. 427.

CAPUT